



Concilia Provincialia Mediolanensis Sex

Borromeo, Carlo

Venetiis, 1602

Literae. De Indulgentijs disciplinatorum, pœnitentium, & aliorum, huiusmodi sodalitatibus, quæ in vrbe, Diœcesi, & Prouincia Mediolanensi sunt, à S.D.N. Gregorio XIII. concessis.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

illa cedentur, in pristino statu esse & censer, atque eisdem Christi fidelibus perpetuo suffragari debere decernimus. Datum Romæ apud Sanctum Petrum sub Annullo Piscatoris die. XXX. Octobris M. D. LXXII. Pontificatus Nostri Anno Primo.

Ca. Glorierius.

L I T E R A E.

De Indulgentijs disciplinatorum, pœnitentium, & aliorum huiusmodi sodalitatibus, quæ in vrbe, Diœcesi, & Prouincia Mediolanensi sunt, à S. D. N.

Gregorio XIII. concessis.

G R E G O R I V S P A P A X I I I .

Ad perpetuam rei memoriam.



Romanus Pontifex, cui per beatum Petrum Apostolorum Principem in terris à Deo collata est animas ligandi, atque soluendi potestas, ad deuotionem Christi fidelium, suæ curæ commissorum, excitandam, eos quandoque proposita peccatorum suorum remissione, seu relaxatione ad pia, & meritoria opera exercenda benigne inuitat, vt ipsi se in huiusmodi pijs operibus exercentes, quod suis meritis in Regno cœlesti consequi non possunt, Indulgentijs, & remissionibus, vel relaxationibus peccatorum de thesauro Ecclesiæ depromptis adiuti feliciter impetrare mereantur. Cum igitur sicut accepimus in Ciuitate, Diœcesi, & Prouincia Mediolanensi multis adhuc annis plures Sodalitates, Confraternitates, seu Scholæ Pœnitentium, Disciplinatorum, aut alio certo nomine institutæ sint, quarum Sodales, & Confratres salutari excitatione certis, statutisque diebus sibi ipsis separatim, vel communiter flagella adhibere solent, cumque Sodalitates prædictæ, earumque Leges, & Constitutiones in proxima Synodo Mediolanensi, quemadmodum etiam accepimus, Dilecti filij nostri Caroli Borromæi S. R. E. Presbyteri Cardinalis, Archiepiscopi Mediolani, & Prouincialium Episcoporum cura, & diligentia ita excultæ, & conformatæ sint, vt vberiores deuotionis fructus ferre indies possint, Cupientes nos pro nostra pastoralis sollicitudine, omnes homines, quantum cum Domino pos-

sumus his, præsertim miseris afflictisque temporibus ad penitentiae stadium inflammare, & fidelium pietatem spiritualibus Ecclesie sanctæ thesauris, quibus fideliter dispensandis à Diuina clementia præfecti sumus, uehementius excitare, de omnipotentis Dei misericordia, & Beatorum Apostolorum eius Petri, & Pauli auctoritate consili, uniuersis, & singulis dictatum Sodalitatum in Ciuitate, & Prouincia Mediolanensi iam erectarum, quæque in posterum prædictis alijsue nominibus Apostolica, uel ordinaria auctoritate erigentur Sodalibus, & Confratribus, præfatam consuetudinem se flagellandi retinentibus, & illis, qui pro tempore illam amplectentur, cum in prædictis ut supra Confraternitatibus, se conscribi fecerint, ac earum habitum deuotè acceperint, si contriti, & confessi sacram Eucharistiam sumperint, plenariam omnium peccatorum suorum remissionem misericorditer concedimus, & elargimur. Et quoties ad sese flagellis cedendos contriti pariter, & confessi in vnum conuenerint, Decem annos, & totidem quadragenas: cum in Processionibus in habitu propria Confraternitatis incesserint, septem annos, & totidem quadragenas: illis autem, qui in prædictis Confraternitatibus ut supra, Apostolica, uel Ordinaria auctoritatibus approbatis, semper perseverauerint, & sese cedendi pium institutum retinuerint, confessis, & contritis in articulo mortis sanctum Iesu nomine, uel saltem corde iuocantibus, plenariam, ut supra, Indulgentiam & remissionem omnium peccatorum suorum eadem auctoritate in forma Ecclesie consueta condonamus. Præsentibus, quas sub quibusuis similibus, uel dissimilibus Indulgentiarum reuocationibus, suspensionibus, uel derogationibus, per nos, seu Sedem Apostolicam, sub quibusuis tenoribus, & formis, ac cum quibusuis clausulis, & decretis, pro tempore editis, uel edendis, nullatenus comprehendendi, sed semper ab illis exceptas, & quoties illæ edentur in pristino statu censei, atque eisdem Christi fidelibus suffragari debere decernimus, perpetuò duraturis. Volumus autem, ut earundem præsentium transumptis manu alicuius Notarij publici subscriptis, & Sigillo alicuius in Ecclesiastica dignitate constituti munitis, eadem prorsus fides adhibeatur, quæ ipsius originalibus literis adhiberetur, si forent exhibitæ, uel ostensæ. Dat. Romæ apud Sanctum Petrum sub Annulo Piscatoris, die XXI. Decembris. Millesimo, Quingentesimo, Septuagesimo secundo, Pontificatus Nostri, Anno Primo.

Ca. Gloricius

Reuo-